



Broj: 11-05/02-04-24618-302/23  
Sarajevo, 02.10.2023. godine

## SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo  
-ovdje-

**PREDMET:** Odgovor na zastupničko pitanje - *dostavlja se*

Poštovani,

**Zastupnica** u Skupštini Kantona Sarajevo **Smiljana Viteškić** je u okviru Osme radne sjednice Skupštine Kantona Sarajevo, u skladu sa čl. 211. i 214. Poslovnika Skupštine Kantona Sarajevo, postavila sljedeće zastupničko pitanje:

*„Da li MOKS i ministrica podržavaju odgovorno lice u JU Osnovna muzička škola Ilidža u neizvršavanju pravosnažnih sudskih presuda. Ovdje mislim na izvršnu i pravosnažnu Presudu broj 65 0 Rs2 54146522 kojom prof. Mehmed Bajraktarević mora biti penzionisan, jer u toj školi ima 42 godine staža i 66 godina života, a još je u stačnom radnom odnosu u toj školi. Zbog neizvršavanja ove presude Budžet KS je oštećen za više stotina hiljada KM, a troškovi se svakodnevno gomilaju.“*

### Odgovor:

U vezi sa pravosnažnom i izvršnom Presudom Općinskog suda u Sarajevu, broj: 65 0 Rs2 54146522 od 22.12.2022. godine, iz radnog spora između tužitelja Bajraktarević Mehmeda i tužene Javne ustanove Osnovna muzička škola Ilidža, informišemo Vas da je Ministarstvo za odgoj i obrazovanje Kantona Sarajevo (u daljem tekstu: Ministarstvo) u ranijem periodu više puta jasno dalo uputu i nalog za postupanje u vezi sa izvršavanjem presuda Općinskog suda u Sarajevu, uključujući i navedenu presudu kojom je presuđeno da Bajraktarević Mehmedu nije prestao radni odnos u Javnoj ustanovi Osnovna muzička škola Ilidža.

Također, Ministarstvo je upozorilo direktora ove javne ustanove na obavezu izvršenja navedene presude, imajući u vidu da je, u skladu sa odredbama Zakona o osnovnom odgoju i obrazovanju („Službene novine Kantona Sarajevo“, br. 12/17, 33/17, 30/19, 34/20 i 33/21), regulisanje radno-pravnog statusa radnika u isključivoj nadležnosti uprave Škole.




Navedena presuda Općinskog suda u Sarajevu još nije provedena od strane Javne ustanove Osnovna muzička škola Ilidža, iako je stekla svojstvo pravosnažnosti i izvršnosti.

S tim u vezi, direktor ove javne ustanove je upozoren na član 7. Zakona o sudovima u Federaciji Bosne i Hercegovine („Službene novine Federacije BiH“, br. 3/2005, 22/2006, 63/2010, 72/2010-Ispravka, 7/2013i 52/2014), kojim je propisano da su odluke svih sudova u Bosni i Hercegovini obavezujuće na teritoriji Federacije Bosne i Hercegovine.

Ministarstvo za odgoj i obrazovanje Kantona Sarajevo će, u okviru svojih nadležnosti, postupati prema direktoru Škole, a u rješavanje pitanja provedbe navedenih presuda će uključiti Vladu Kantona Sarajevo. Naime, visina sredstava potrebna za izvršenje presuda zahtijeva ovakav postupak.

Tužitelj je podnio i nekoliko različitih prijedloga o načinu izvršenja presuda, putem sklapanja nagodbe, te će isti biti dostavljeni Pravobranilaštvu Kantona Sarajevo radi pribavljanja mišljenja.

S poštovanjem,

  
ICA  
*Nisvan-riša-rahminović*

Dostaviti:

1. Naslovu;
2. Evidenciji;
3. A/a.